

**ANG****Bayan**

Pahayagan ng Partido Komunista ng Pilipinas  
Pinapatnubayan ng Marxismo-Leninismo-Maoismo

Edisyong Hiligaynon  
Tuig XXXIX No. 2  
Enero 21, 2008

[www.philippinerevolution.net](http://www.philippinerevolution.net)

*Editorial*

# Palapnagon ang maayong balita sang armadong paghimakas

**I**ndi mahikayan ang inspirasyon kag kasadya nga dala sang madinalag-on nga taktikal nga opensiba kag iban pa nga rebolusyonaryong kadalag-an sa pumuluyong Pilipino kag pumuluyo sang bug-os nga kalibutan.

Ang kada kadalag-an sa patag sang armadong paghimakas nagapalig-on sa ila determinasyon nga isulong ang rebolusyon.

Kadungan sini, ang kada madinalag-on nga taktikal nga opensiba nagapakita indi lamang sang pag-sulong sa patag sang armadong paghimakas. Pamatuod man ini sang maayo nga pagpamuno sang Partido, hugot kag mapagsik nga pagpatuman sang BHB sa mga pangpulitika nga hi-likuton kag sang kalapad kag kadalum sang sup-orta sang pumuluyo. Ginabuyag-yag sini ang kabutigan nga ginapabugal sang Armed Forces of the Philippines (AFP) nga

sila nagamadinalag-on sa desperadong padihut nga dugmukon ang rebolusyonaryong pagbato sang pumuluyo.

Ang kada inaway sa armadong patag may katuwang nga inaway sa pangpulitika nga patag. Ara sa likod sang rebolusyonaryo nga armadong paghimakas ang nanuhay-tu-



***Mga tampok sa isyu nga ini...***

Mapaslawan ang mga plano sg rehimeng US-Arroyo **PAHINA 3**


Ka Gino: Isganan kag beteranong hangaway **PAHINA 6**

Pagpasilabot sg US sa Pakistan **PAHINA 9**

hay nga kabuhi-kag-kamatayon nga kawsa kag isyu sa interes sang pumuluyo. Sa kada kahigayunan, ang mga taktikal nga opensiba sang BHB ginapaguwa sang mga pasistang kaaway bilang “terorismo” sa desperasyon nga tabunan sini ang rebolusyonaryong kahublagan ini kag kuhaan sang suporta sang masa.

Kon amo katuwang sang kada taktikal nga opensiba ang tuman kamalahalon indi lamang sa patag sang ginalunsaran sini, kundi sa tanan nga iban pa nga patag, sa bug-os nga rebolusyonaryong kahublagan kag sa pumuluyo.

Pinakapangunahon nga tagabantala sang amo nga mga balita ang mga rebolusyonaryong pa-



hayagan kag iban pa nga alagyan sang balita kag impormasyon nga ginamentenar sang rebolusyonaryong kahublagan. Ginatinguha man naton nga gamiton nga alagyan sang amo nga maayong balita ang burgis nga masmidya agud abuton ang mas malapad nga pumuluyo.

Paagi sang aton pagbalita, nasiguro naton nga napalapnag ang husto nga impormasyon kag napabot nga bug-os sa tanan. Sa amo man, mapaathag sang lubos ang matuod nga importansya nga pulitiko-militar sang mga napadaug naton nga taktikal nga opensiba.

Kinahangalan tinguhaon sang tanan nga mapabalhag ang mga balita sa patag sang armadong paghimakas sa mga pahina sang *Ang Bayan*. Bilang pungsodnon nga rebolusyonaryong pahayagan, ginatinguha naton nga ibalita ang tanan nga mga taktikal nga opensiba –gamay man ukon daku. Kaangot sini, daku-daku pa ang kahuyangan

nga kinahanglan pangibabawan sa sistema sang pagpaabot sang balita kag impormasyon.

Sining nagtaliwan, mas daku ang isip sang mga madinalag-on nga taktikal nga opensiba sangsa aktwal nga napublisar sa *AB*. Sa atubang sang panawagan sang Komite Sentral sang Partido nga padayon nga pasingkion ang mga taktikal nga opensiba, ginalauman naton nga labi pa nga madamu nga kadalag-an ang matipon sa mga maabot nga bulan kag tuig.

Ginalauman man nga mapuno ang mga pahina sang *AB* sang mga maayong balita sang kadalag-an. Matigayon ini paagi sang aktibo kag maabtik nga magpadala ang tanan nga yunit sang mga report sang kada kadalag-an sa armadong paghimakas kag iban pa nga patag sang rebolusyonaryong hilikuton. Ang pagpadala sang mga pangkabilugan nga report kag koresponsal nga madaluman nga nagatalakay sa mga rebolusyonaryong pagsulong sa tagsa ka sakup lubos man nga makabulig agud pagakuhaan sang leksyon kag inspirasyon.

Hugot nga katungdanan sang mga nagapamuno nga Partido sa nagkalain-lain nga sakup ang pagbalay sang mga pamaagi kag pagtukod sang mga makinarya para madasig kag libre nga mapalab-ot sa *Ang Bayan* kag natungdan nga mga organo sang Partido sa propaganda ang mga balita nahanungod sa mga taktikal nga opensiba, iban pa nga rebolusyonaryong breyktru kag kadalag-an kag kag kahimtangan sang mga rebolusyonaryong hilikuton kag pwersa.

Ululupod nga bululigan naton nga hugot nga mapatuman ang katungdan nga mapaambit sa bug-os nga rebolusyonaryong kahublagan, sa pumuluyong Pilipino sa bug-os nga kalibutan ang mga balita nahanungod sa aton mga rebolusyonaryong kadalag-an kag pagsulong. AB



Tuig XXXIX No. 21 Enero 21, 2008

Ang *Ang Bayan* ay inilalabas sa wikang Pilipino, Bisaya, Iloko, Hiligaynon, Waray at Ingles.

Maaari itong i-download mula sa Philippine Revolution Web Central na matatagpuan sa:

[www.philippinerevolution.org](http://www.philippinerevolution.org)

Tumatanggap ang *Ang Bayan* ng mga kontribusyon sa anyo ng mga artikulo at balita. Hinihikayat din ang mga mambabasa na magpaabot ng mga puna at rekomendasyon sa ikauunlad ng ating pahayagan. Maaabot kami sa pamamagitan ng email sa: [angbayan@yahoo.com](mailto:angbayan@yahoo.com)

## Kaundan

### Editorial

Palapnagon ang maayong balita sg armadong paghimakas	1
Mapaslawan ang mga plano sg mga kontra-rebolusyonaryo	3
<b>Pagpangahlit sg pasistang estado</b>	4
Ka Gino, beterano nga hangaway	6
Pagpasilabot sg US sa Pakistan	9

### Balita

Binutig nga report sa Glorietta bombing	11
EDSA 2, gindumdum	12
Minahan, ginpalayas sa N. Vizcaya	12
Pagtaas sa presyo sg langis	12
Memo sa midya, ginpamatukan	12

Ang *Ang Bayan* ginabantala duha ka beses kada bulan sang Komite Sentral sang Partido Komunista sang Pilipinas

# Mapaslawan ang plano sang mga kontra-rebolusyonaryo nga pwersa


**M**apaslawan ang plano sang mga kontra-rebolusyonaryo nga pwersa nga dugmukon ang Partido Komunista sang Pilipinas (PKP), Bag-ong Hangaway sang Banwa (BHB) kag mga rebolusyonaryo nga pwersa antes matapos ang 2010. Tigaylo magapabaskog kag magapalapad ang mga ini agud pun-an ang tanan nga mga distritong kongresyunal kag libre nga maka-operasyon ang mga armadong partisano sa mada-mu nga syudad sang pungsod.

Ini ang pahayag ni Kaupod Jose Ma. Sison, puno nga konsultant sa pulitika sang National Democratic Front of the Philippines, sad-tong Enero 12 bilang reaksyon sa pagpahambog sang rehimeng Arroyo kag iya mga tinawo militar nga naguba kuno sang Armed Forces of the Philippines ang 13 prenteng gerilya sadtong 2007 kag pagamayon pa gid kuno ang numero sang mga gerilyang BHB sa mas manubo sa 6,000 na lang.

Ginsiling ni Kaupod Sison nga napaslawan nga dugmukon sang Oplan Bantay Laya (OBL) 2 ang bisan isa ka prenteng gerilya, samtang ang BHB nakarekrut pa sang dugang nga mga Pulang hangaway kag nakaagaw sang ginatus-gatos nga mga armas halin sa mga armadong tinawo sang estado. Ginsambit ni Kaupod Sison ang pahayag ni Gregorio "Ka Roger" Rosal nga nagabalita nga sarang lamang konsentrahan sang mga armadong pwersa sang estado ang indi magsobra sa 10% sang mga prenteng gerilya. Kag ini sa isa ka takda nga panahon lamang. Dugang pa, nagamuhan ang mga armadong kaaway sa madingalag-on nga paggamit sang BHB sang pleksibleng taktika sini sang konsentrasyon, dispersal kag pagsaylo sang pwersa base sa ginatalana sang kahimtangan.

Ginapahayag sang Komite Sentral sang Partido nakahatag na subong sang pulitiko-militar nga

edukasyon kag paghanas sa linibulibo nga kadre sang Partido kag upisyal sang BHB para padasigon ang pagpalapad kag konsolidasyon sang BHB. Nagatukod ini sang mga pangrehiyon kag pangprubinsya nga kumand sang BHB upod ang mga pang-away nga platun sini, kag nagapadamu sang mga prenteng gerilya agud pun-an ang tanan nga 173 distritong kongresyunal sa mga prubinsya kag para makahulag ang mga armadong partisano sa 44 nga distritong kongresyunal sa kasyudaran. Pagatukuron kag pagahanason man ang mga yunit sang milisya sang pu-



muluyo kag mga yunit para sa pagdepensa-sa-kaugalingon sa mga ginahulagan nga baryo.

**Sumbag sa bulan.** Paliwat-liwat nga nagpanugyan sa rehimeng Arroyo ang NDFP agud buhion liwat ang pormal nga pagsugilanon. Pero padayon nga ginabale-wala ini sang rehimen dala sang wala basehan nga pagsalimuang sini sa sumbag sa bulan nga handum nga desaysibo nga mapiang na sini ang 39-tuig nga armadong rebolusyon sang Maoista nga partido antes ang 2010.

Nahibal-an sang rehimeng Arroyo nga labi pa nga nagbaskog ang armado nga rebolusyonaryong hublag kag nabuyagyag sa publiko ang pagkapaslaw sang OBL I kag subong nga OBL 2 sini. Bisan pa man, nagapadayon gihapon ini sa pagpaguwa sang mga saywar nga pahayag agud tabunan ang kapaslawan sini kag ang mga kadalagan sang rebolusyonaryong kahublagan para padayon nga tiplangon ang pumuluyo.

Suno sa Komite Sentral sang Partido, ang armado nga rebolusyon padayon nga nagauswag kag nagaabante padulong sa mas mataas nga lebel sang inaway banwa.

Determinado ang rebolusyonaryo nga pumuluyo kag pwersa sa ila plano kag angkon nila ang organisadong kusog kag ikasarang nga ipatuman ini. Pagahingalitan nila ang labing nagalala nga kahimtangan sang sosyo-ekonomiko kag pangpulitika nga krisis. Antes kag pagkatapos sang 2010, magalunsar ang armado nga rebolusyon sang mga taktikal nga opensiba para ipanginwala ang ginapabugal nga mga kadalagan militar sang rehimeng Arroyo, dugang pa ni Kaupod Sison.

AB

## Padihut para mangunyapot sa poder

**A**gud padayon nga makapangunyapot kag mapahaba ang pagpungko sa poder, liwat nga ginabandilyo ni Gloria Arroyo ang madugay na nga nauntod nga plano nga *national identification (ID) system* kag pagbag-o sa sandigan nga layi.

**National ID system.** Gintalakay ini sining Enero 7 sa isa ka kumpe-rensya sang matag-as nga upisyal sang militar kag pulisya nga gintambungan ni Arroyo sa Camp Aguinaldo. Ginmanduan ni Arroyo ang Department of National Defense nga tun-an kon paano ilusot ang sistemang ID sa mga sablag nga probisyon sang sandigan nga layi sang Pilipinas kag sa nauna na nga desisyon sang Korte Suprema batuk diri. Ginatarget ni Arroyo nga mapatuman ang sistemang ID subong nga tuig.

Sa duso sang US, ginapatuman na subong ang isa ka sistemang ID sa mga komunidad sa Sulu bilang kabahin sang pagkontrol sa populasyon sa ngalan sang pagtapna sa Abu Sayaff. Ginapatuman man ini sa isa ka barangay sa Davao City. Maathag nga ginahimo nga laboratoryo ang mga lugar nga ini sa plano nga implementasyon sang sistemang ID sa bug-os nga pungsod.

Ginbangdanan sang rehimen nga makabulig kuno ang pungsodnon nga ID sa pagtapna sang mga kriminal kag sa ginabansagan sini nga mga "terorista". Ginapaguwa sang rehimen nga ang ID nga ini magakonsolida lamang sa nagkalain-lain nga ID pareho sang Social Security System ID kag Philippine Health Corporation (PhilHealth) card kag magaunod lamang sang mga basehan kag daan nga impormasyon nga ara sa iban nga ID.

Ang matuod, ginaduso sang AFP kag PNP ang pungsodnon nga ID sa balayon nga kontra-rebolusyonaryong Oplan Bantay Laya 2 kag pagtapna sa mga kaaway sang rehimen. Ang matuod nga katuyuan

sa likod sang pagduso sang pungsodnon nga ID amo ang pagpahu-got sang pagpanilag sa pumuluyo kag pagkontrol sa ila paghulag. Tuyo sang rehimen nga tapnaon ang anuman nga paghulag nga magapukan sini sa poder ukon pagpugong sa plano ni Arroyo nga magpabilin sa pwesto lampas pa sa 2010. Pat-ud nga pagagamiton ang ID sa pagpangharas kag pagpangipit sa mga grupo kag indibidwal nga anti-Arroyo.

Wala sang iban nga malauman sa pungsodnon nga ID kundi ang pagdamu sang kaso sang paglapas sa tawhanong-kinamatarung kag pagtapna sa kahilwayan sibil sang pumuluyo.

Sa kamatuoran, mas grabe pa ang pungsodnon nga ID sa sistema nga ginapatuman ni Gen.

Jovito Palparan sa ditong siya ang kumander sang 7th Infantry Division sa Central Luzon. Madumduman nga ginaobligar niya kag sang iya mga tropa ang pumuluyo sang Nueva Ecija, Bulacan kag iban pa nga kaingod nga prubinsya nga may sedula. Sin-o man nga wala sang sedula gilayon nga ginaakusahan nga indi tagalugar kag myembro ukon tagasuporta sang BHB.

Malaba ang listahan sang paglapas sa tawhanong-kinamatarung bangud sa sistemang sedula ni Palparan.

**Charter change.** Samtang nagahilapit ang eleksyon nga 2010, mas nangin-aliwasa si Arroyo sa iya pagkapyot sa gahum. Gani liwat niya nga ginaduso ang pagbag-o sa sandigan nga layi agud makapabilin pa siya sa poder. Sa subong, ginatilawan niya himuon nga tapalan ang paghimakas Moro sa pagsiling nga masolusyunan sang pagbag-o sa sandigan nga layi ang mga ginapakigbato sang Moro Islamic Liberation Front (MILF). Ini amo ang hambalanon sa *ancestral domain* (ukon duta sang katigulangan) nga ginapaguwa sang rehimen nga bara kag ugat sang pag-untat sang sugilanon pangkalinungan sa tunga sini kag MILF.

Suno kay Jesus Dureza, *presidential peace process adviser*, solusyon para sa pumuluyong Moro ang pagbag-o padulong sa sistemang pederal. Mabaskog ini nga ginpakamalaut sang MILF paagi kay Eid Kabalu, *civil-military affairs chief* sang MILF. Suno sa iya, wala sila sang nahisugtan sa sugilanon pangkalinungan sa tunga nila kag sang gubyerno ni Arroyo nga ang pagpinal sang ila kasugtaan ginaangkla sa pagbag-o sang sandigan nga layi.

Kaangot sini, naghanda man sang panibag-o nga hagna ang mga idu-ido sa Kongreso. Nagsugod man sang pagpinit sang panibag-o nga People's Initiative ang Union of Local Authorities of the Philippines (Ulap).

AB

# Lider sang pamatan-on nga Moro kag lider-mangunguma sang Masbate, ginpatay

**W**ala sang untat ang mga pagpamatay kag iban pa nga abuso militar sa pungsod. Isa ka lider sang mangunguma sa Masbate kag isa ka lider sang pamatan-on nga Moro ang ginpatay sa Zamboanga Sibugay sining Enero. Padayon man ang harasment sa mga progresibo kag pagpang-ipit sa masang mangunguma sa kaumhan.

**Enero 16.** Ginkuot kag ginpatay sang mga elemento sang 5th Regional Mobile Group sang PNP si Teldo Rebamonte, 45, lider sang Masbate People's Organization. Ginkuot si Rebamonte sadtong Enero 12 kag nakit-an ang iya bangkay nga may mga indikasyon sang tortyur sa Barangay Nabasagan, Claveria, Masbate. Nakatakda tani nga magtambong si Rebamonte sa pagdumdom sang Mendiola Massacre.

**Enero 11.** Masobra 20 Dumagat halin sa Quezon ang ginpilit sang militar nga magtreyning para sa Citizens' Armed Forces Geographical Unit. Pagkaligad sang tatlo ka si mana nga paghanas, apat ka Dumagat ang nalagyo bangud ginpilit sila nga maghimo sang mga bagay nga lapas sa ila kagustuhan. Sa kahadlok nga bweltahan sila sang militar, pwersahan sila nga nagbakwit. duha ka pamilya sang Dumagat ang ara sa Metro Manila subong agud makalikaw sa harasment sang militar. Ginapatuman subong sang AFP ang masingki nga operasyon militar sa Quezon, isa sa mga pryoridad nga erya sang Oplan Bantay Lay 2.

**Enero 10.** Iligal nga ginaresto sang mga pwersa militar kag pulis sa Sta. Maria, Bulacan si Glicerio "Ka Choy" Pernia, lider sang PKP-BHB sa Albay kag konsultant sang NDF Peace Panel. Ang pagaresto kay Pernia lapas sa Jo-


int Agreement on Safety and Immunity Guarantees. Ginainsister sang NDF-Bicol ang gilayon nga pagpahilway kay Pernia sa basehan nga makatawo bangud siya may may altrapresyon, balatian sa korason kag balatian sa bato.

**Enero 8.** Ginpatay sang gwardya sang isa ka plantasyon sang saging si Sahiron Banggot, 22, *vice chairman* sang Liga ng Kabataang Moro (LKM) kag estudyante sang Bacalan National High School sa Zamboanga Sibugay. Myembro nga organisasyong Suara Bangsamoro ang LKM. Si Banggot kag iya abyan nga si Joe Enriquez, 22, makadto tani sa plantasyon sang Tambanan Agrarian Reform Beneficiary Multipurpose Cooperative sang luthangon sang nasambit nga gwardya. Pito ka igo sang bala ang ginkamatay sang biktima. Si Enriquez naman ginhunong sa isa ka abandonado nga kwarto sa isa ka bilding sang plantasyon kag ginbuhi-an masunod nga adlaw. Amo na lamang nahibal-an sang mga ginikanan ni Banggot ang nadangtan sang ila anak.

**Disyembre 22, 2007.** Guba nga kabalayan kag iskwelahan, nagalapta nga mga libro kag gamit-iskwelahan, nadula nga mga hinuptan nga baboy kag manok kag nagkaladula


nga suplay sang bugas. Ini ang nabtan sang masobra 2,000 bakwit halin sa 12 barangay sang Andap Valley, Lianga, Surigao del Sur apat ka adlaw antes mag-Paskua. Wala sang iban nga kahimuan sini kundi ang militar, siling nila. Indi sila magpati sa pahayag ni Maj. Samuel Sagun, tagapamaba sang 4th ID nga nakabase sa Cagayan de Oro City, nga mga gerilyang pwersa sang BHB ang responsible sa nasambit nga pagpanghalit.

**Disyembre 2007.** Apat nga lider-simbahan sang Iglesia Filipina Independiente ang nakabaton sang pamahug sa ila kabuhi kag hugot nga ginapanilagan sang mga berdugo sang rehimeng Arroyo. Ang apat amo sanday Bishop Delfin Cal-lao Jr. sang Davao City, Rev. Eleuterio Revollido sang Urdaneta City, Rev. Gilbert Garcia sang San Cemente, Tarlac, Tarlac kag Rev. Antonio Ablon sang Cagayan de Oro City. Dugang pa, pila ka beses nga pilit ginsulod sang mga ahente sang militar ang kumbento ni Reverend Garcia. Sa pihak sang pagreport nga ginhimo ni Rev. Garcia bahin sa nasambit nga pagsulod wala sang may ginhimo ang mga pulis. Nakabaton man silya sang *text message* halin sa isa nga naga-ako nga nagpatay kay Bishop Alberto Ramento sadtong Oktubre 2006 nga nagasiling siya na ang igasunod. Myembro si Reverend Garcia, 25, sang Promotion of Church People's Response. Sadtong siya estudyante pa, nangin tagapan-gulo siya sang Seminarians on Transformation and Nationalism kag Council of Seminarians.



**Mga lider-mamumugon, biktima sang pagpamatay, harasment.** Ginreport ni Anakpawis Rep. Crispin "Ka Bel" Beltran nga 33 sa 144 kaso sang pagpamatay sang mga lider-union sadtong 2007 natabo sa Pilipinas. Ginreport man nga sa pungsod may masobra 800 kaso sang pagpangbakol kag tortyur sang mga lider-union kag aktibista. Ang nasambit nga report nakapasulod sa 2007 Survey of Trade Union Rights Violations nga ginpaguwa sang International Trade Union Confederation. Ginpasaka ni Ka Bel ang House Resolution 299 sadtong Enero 6 nga nagapanawagan sa House of Representatives Committee on Civil, Political and Human Rights kag Committee on Labor and Employment nga maghimo sang imbestigasyon sa nasambit nga paglapas. Ginsuhestyon man ni Beltran nga imbestigahan ang padayon nga pagpanilag, harasment kag pagkuot sang mga elemento sang militar sa mga lider-union kag tagasuporta sang kinamatarung sang mga mamumugon ilabi na sa Central Luzon. Upod niya nga nagpasaka sang nasambit nga resolusyon sanday Bayan Muna Rep. Satur Ocampo kag Teodoro Casiño kag Gabriela Rep. Liza Maza kag Luzviminda Ilagan.

**Pamilya sang ginkuot nga mga Aeta, ginhatag sang writ of amparo.** Gin-aprubahan sang korte sining Enero 9 ang petisyon para sa *writ of amparo* nga ginpasaka sang pamilya sang duha ka nadula nga Aeta. Sandig sini gintumod sang pamilya sang mga biktima sanday 2Lt. Ali Sumangil kag isa ka Sargeant Villalobos bilang responsible sa pagkuot kanday Nicolas Sanchez kag paryente sini nga si Heherson Medina sadtong Septyembre 17, 2006 sa Capas, Tarlac. Ginpasaka ang petisyon para sa



*writ of amparo* ni Cleofas Sanchez, ina ni Nicolas. Nahibal-an man sa pagbista nga ginhunong sanday Sanchez kag Medina sa Fort Magsaysay, Palayan City, Nueva Ecija kag ginpilit nga mangin suluguon sang militar samtang ginabantayan sang mga tinawo sang Camp Bravo sang 71st IB sa sulod sang 71st IB sa sulod sang Hacienda Luisita, Tarlac City. Ginbuyagyag sang isa ka testigo, si Josephine Victoria, nga nakita niya ang duha sa Camp Servillano Aquino sang Northern Luzon Command sa San Miguel, Tarlac. Una nga ginhingyo ni Sanchez sa Korte Suprema nga hatagan sila sang permanente nga proteksyon kag tugutan sila nga inspeksyunon ang Camp Servillano Aquino kag ang mga kampo sang 71st IB sa Tarlac, kag Fort Magsaysay sa Palayan City, Nueva Ecija, kon sa diin ginapatihan ginatago sang militar ang duha ka biktima. Gindampigan sang Korte Suprema ang iya petisyon kag ginmandu sini sa Court of Appeals nga pamatian ang kaso. AB

## Ka Gino: Isganan kag beterano nga Pulang hangaway

**I**sa si Kaupod Gino sa mga modelo nga rebolusyonaryong Pilipino nga himpit nga nagaalagad sa pumuluyo kutob sa malab-ot sang iya masaranggan bisan sa atubang sang tuman kadamu kag tuman kabug-at nga kabudlayan, sakripisyo kag pagtilaw. Sa subong, isa si Ka Gino sa pinakamadugay na nga kadre sang Partido kag hangaway sang Bag-ong Hangaway sang Banwa sa Cagayan Valley. Ang iya personal nga kasaysayan hugot nga nakaangot sa maduagon nga kasaysayan sang rebolusyonaryong kahublagan sa namamihang-sidlangang Luzon.

Nagsugod maghulag si Ka Gino sadtong ulihi nga dekada 1960 sadtong siya soltero pa lamang. Halin Pangasinan, napilitan nga magsaylo ang ila pamilya sa Timog Isabela sadtong dekada 1950 dala sang grabe nga kaimulon. Ang ila ginasyulhan nga baryo sa Forest Region sang Isabela amo ang isa sa mga lugar nga una ginhulagan sang BHB. Wala pa sang isa ka bulan halin nga gintukod ang BHB sa Tarlac, gilayon nga ginsuguran nga maghimo sang imbestigasyon sosyal kag hili-kuton pangmasa sa Forest Region ang pila ka kadre halin sa Central Luzon. Upod nila ang pila ka bag-o nga tuhaw nga pwersa nga tumanduk sang Isabela. Sadtong katapusan sang 1969, luwas sa Forest Region, nakasugod nga mag-ugat ang rebolusyonaryong kahublagan sa pila ka kapatagan nga bahin sang prubinsya.

Bunga sang hugot nga pagkapot sa linya sang bag-o nga demokratikong rebolusyon, madasig nga mag-uswag ang rebolusyonaryong kahublagan sa rehiyon sang Cagayan. Sa sulod sang malip-ot nga panahon, naglab-ot sa 120 ang natukod nga mga Komiteng Pang-organisa ng Baryo (KPB) kag mga Komiteng Rebolusyonaryo ng Baryo (KRB).

Madasig magdaku ang BHB. Natukod sa Isabela ang una nga mayor nga yunit pang-away sa bi-log nga rehiyon. Bag-o matapos ang 1972, may ara na ini nga duha ka kumpanya (Coy A kag Coy B) nga nagasakup sang tig-1,000 katawo mga milisya sang pumuluyo. Naglapnag ang gagmayan nga aksyong militar sang BHB. Wala madugayi, nagadab-dab ang mga taktikal nga opensiba sa nagakalain-

lain nga lugar sang Isabela.

Nag-entra si Ka Gino sa Kabataan ang Makabayan sadtong 1969. Makaligad ang pila ka bulan, napilian siya nga pinuno sang lokal nga tsapter sang KM sa ila baryo. Nagdalum ang iya paghangup sa sosyedad kag rebolusyon paagi sang wala kataka nga pagtambong sa mga rebolusyonaryong pagtuon. Makaligad ang pila ka tuig, nangin pinuno siya sang isa sa labing una nga milisya sang pumuluyo nga natukod sa prubinsya.

Sang gindeklarar ang layi militar sadtong Septyembre 1972, gin-sentro sang diktaduryang US-Marcos ang pinakamabaskog kag labing mapintas nga atake lunsay sa mga rebolusyonaryong pwersa sa rehiyon sang naamihan-sidlangang Luzon kag batuk sa pumuluyong Moro. Indi magnubo sa 7,000 tropa sang AFP ang gingamit sang diktadurya sa sunud-sunod nga kampanya militar halin 1972-1976 nga ginsentro sa Isabela kag Nueva Vizcaya.

Ginbatas ni Ka Gino kag sang pamilya niya ang kapintas sang mabaskog nga atake sang kaaway. Sadtong 1972, gindakup kag ginhunong siya kag ang iya mga utod. Sa pila ka bulan nila nga pagka-bilanggo, pwersahan sila nga gin-ulipon kag gin-abuso sang kaaway. Sang may kahigayunan, nalagyo sila kag dumiretso sa pinakamalapit nga kampo sang BHB kag nag-entra sa yunit diri. Madamu pa halin sa ila lugar ang nagpamat-ud nga mag-entra sa BHB, lakip ang ama ni Ka Gino. Halin sadto, na-



saksihan kag nangin kabahin si Ka Gino sang pangkabilugang kasaysayan sang rebolusyonaryong kahublagan sa rehiyon. Naeksperensyahan niya ang hulu-halintang nga pagtukod sang mga baseng masa sang rehiyon, ang mga taktikal nga opensiba sang BHB diri, ang maisog nga pag-atubang sang hangaway sang banwa kag rebolusyonaryong masa sa mga atake sang kaaway, kag ang mga liko kag tiyog kag kadalag-an sang rebolusyonaryong kahublagan sa ila lugar kag sa iban pa nga bahin sang rehiyon.

Grabe nga kabudlayan ang naagyan nanday Ka Gino kag mga kaupod sa rehiyon sa paglikaw kag pagdepensa sa mabaskog nga kampanya sang paglikup-kag-pagpapas sang kaaway sa una nga halintang sang pagtukod sang base sang hangaway sang banwa sa Forest Region sa Isabela. Gindumog ini sang kaaway, kag pwersahan nga ginpabakwit ang 50,000 katawo nga nag-aestar diri sa balayon sang "paghaw-as sang base sa mga rebolusyonaryo." Gintakda nga "free fire zone" kag "no man's land" ang bilog nga lugar. Sin-o man ang makit-an sang kaaway gilayon nga ginapatay.

Naagyan nanday Ka Gino ang wala hawid-hawid nga kapintas sang kaaway sa paghimo sini sang *bio-chemical warfare*. Ang mga suba ginhiluan sang kaaway. Nagbuhi man sang "Japanese mosquito" agud maglapta ang malarya sa Forest Region sang Isabela. Madamu nga Pulang hangaway kag tagabaryo ang ginmalarya kag iba pa nga balatian nga naglab-ot sa epidemya. Pila ka platun sang Coy A kag Coy B sang BHB ang napa-ralisa bangud dululungan nga nagbalatian ang mga hangaway.

Nangin daku nga palaligban ang pagkagutom bangud sa pagpanamad sang kaaway sa makit-an nila

nga mga pananum sa uma, kaingin, hayupan kag tanan nga iban pa nga makaon. Nangin daku nga operasyon lunsay sang mga kaupod kag pumuluyo ang pagpangita kag pagpatuhaw sang pagkaon kag iban pa nga basehang kinahanglanon.

Ginpanawagan sang mga kaupod ang linya nga indi magbakwit ang masa kag tigaylo magkadto sa pinakaidadalman sang kagulangan kag magbukas sang mga bag-ong puluy-an nila didto. Bangud ginhalinan sang pumuluyo ang mga balay, nahamulag ang hangaway sang banwa sa masa. Naguba ang natukod nga mga rebolusyonaryo nga organisasyong masa kag organo sang gahum pangpulitika.

Matingkad nga pagsayup sa panahon nga ini ang wala-sa-panahon nga konsepto sang "baseng purok" nga dogmatiko nga kopya sa eksperensya sang inaway banwa sa China. Kumitid ang ginahulagan nga erya nga kadam-an baseng pisikal na lamang ilabi na sang magkadto sa kagulangan ukon upod-upod na sang hangaway nila ang pila lamang sa nabilin diri nga tagabaryo. Adelantado nga nagmentenar kag nabuyo na lamang sa pormasyong kumpanya sang regular nga pwersang mahulag mahulag ang mga kaupod kag wala napauswag nga kahanasan sa pormasyong platun kag sa mga taktika kag teknika sa pagbato sang magagmay nga yunit.

Sadto pa man, may mga kaupod na nga nagpanugyan nga magsaylo na sila sa malapad kag matawo nga kapatagan sa prubinsya sang Cagayan kag iban pa nga lugar para gilayon nga makaguwa sa salikup sang kaaway. Ginsuhestyon nga magpalapad, magpabaskog kag magtukod liwat sang baseng masa sa iban nga mga lugar samtang nakakonsentrar ang kaaway sa kagulangan sang Isabela nga balikan na lang ugaling ini sa panahon nga

mas halog na ang kahimtangan. Pero wala halos ini ginpamatian kag sa baylo nagpamilit gihapon ang desisyon nga pangapinan ang baseng pisikal.

Sa amo nga kahimtangan, naglab-ot ang Pulang hangaway sa permi nga pagtago sa kagulangan nga ginapalibutan, ginasuyod kag ginabomba sang kaaway. Natabo ang sunud-sunod nga depensiba nga engkwentro. Naglab-ot sa 70% sang mga pinuno kag tinawo kag matag-as nga armas sang BHB ang nadula. Nangin labing pasibo ang hangaway sa pulitika kag militar kag naglapnag ang demoralisasyon. Sa pihak sang mabaskog nga kabudlayan, nagtampok ang kabaganihan sang linibo nga kaupod kag rebolusyonaryong masa. Madamu ang nahunong kag gintortur sa mga kampo sang kaaway. Ginatus-gatos nga mga katapu sang Partido, Pulang hangaway kag rebolusyonaryong pwersa ang nangin martir.

Ginlunsar sadtong Nobyembre 1974 ang Kumperensya Pangpulitika kag Militar. Ginbalikan kag ginanalisa ang apat ka tuig nga inagihan sang rebolusyonaryong paghimakas sa rehiyon. Ginsaway ang “inaway nga gasgasan” kag “inaway nga desaysibo” sa atubang sang superyor nga kusog sang mga tropa sang kaaway. Ginsaway ang wala sa panahon nga pagdepensa sang “baseng purok” ilabi na nga wala sang suportang masa. Gindesisyunan sa kumperensya ang pagsaylo sang kadam-an sang Pulang hangaway sa malapad nga mga lugar sa aminhan, nabagatnan kag nakatundan kon sa diin ara ang masa kag relatibo nga mahina ang presensya sang kaaway. Gintumod nga pangu-nahon nga direksyon sang pagsaylo sang kadam-an nga pwersa ang prubinsya sang Cagayan kag sekundaryo ang prubinsya sang Aurora. Gintumod man ang prubinsya sang Kalinga-Apayao.



Lakip si Ka Gino sa una nga grupo nga naghimo sang maragtasong nga martsa halin sa Forest Region sang Isabela sadtong 1974. Pero sa baylo nga magkadto sa Cagayan nga amo ang gintakda nga direksyon nila, nagkadto ang grupo nila sa Nueva Vizcaya kag Quirino (padulong Aurora). Matapos makalusot sa maikit nga operasyon kag mga atake sang kaaway nakalab-ot sa Aurora ang pila ka pwersa. May mga makalusot man pakadto Kalinga-Apayao. Pero naobligar nga bumalik ang madamu sa ila, lakip si Ka Gino, pila ka bulan matapos atubangon ang mabaskog nga atake sang kaaway. Pagbalik sa Forest Region, nakaupod si Ka Gino sa mga ginmanduan nga magrekober sang mga sonang gerilya sa mga baryo sang Echague kag Jones nga ara sa kilid sang kagulangan. Sa panahon nga ini, labi nga nabaid ang kalig-on ni Ka Gino sa pagtinguha nga magbuslot sang mga bag-o nga erya kag balikan ang mga nabayaan nga lugar sa atubang sang mabaskog nga atake sang kaaway.

Ginpangibabawan niya ang kasubo ng dulot sang pagkamatay sang isa niya ka utod sa isa ka inaway. Nalampasan niya ang grabeng demoralisasyon nga nag-abot sa ila yunit dala sang grabe kakapoy,

pagkagutom, pagbalatian kag pagkamatay sang madamu nga kaupod.

Upod si Ka Gino sang gintigayon na ang madakuan nga pagsaylo sang mayor nga pwersa sang BHB padulong Cagayan. Halin sa pagkalibre sa ipit nga lugar kag kubkob sang kaaway kag pag-abot sa mas halog kag matawo nga lugar, nakau-pod si Ka Gino sa pagbwelo sang hilikuton pangmasa, pagpadaku sang hangaway sang banwa kag pagpasulong sang iban pa nga rebolusyonaryong hilikuton.

Samtang, ang iban pa nga pwersa sang BHB nga nakalab-ot sa Aurora kag sa Nueva Ecija kag sidlangan nga bahin sang Pangasinan nakapalapad sang rebolusyonaryong kahublagan kag nakabulig sa pagpalapad sang rebolusyonaryong kahublagan sa sidlangan nga bahin sang Central Luzon. Sa amo man, ang mga nakaabot sa Kalinga-Apayao nakapalapad man kag nakaangot sa iban nga mga kaupod sa Cordillera.

Pagkalipas sang halos apat ka dekada, wala untat kag padayon nga nagahimakas para sa rebolusyon si Ka Gino. Nakaupod siya sa liko kag tiyog sang rebolusyon. Determinado siya nga nag-upod sa pagapadayon nga pagsulong sang inaway banwa. Indi lamang isa ka natilawan kag maisog nga kadre kag hangaway si Ka Gino. Isa man siya nga huwaran nga amay, bana kag anak. Halin sang nagpatapu si Ka Gino sa BHB, wala untat ang pagangot kag rebolusyonaryong pahanumdom, pagbuyok ka pagpataas niya sang moral sang pamilya. Gani wala nautod ang suporta sa iya sang iya pamilya.

Sa kamatuoran, madamu sa ila, lakip ang iya mga anak, aktibo man sa rebolusyonaryong kahublagan. Ginahandum niya nga sa pila ka adlaw, pati ang iya mga apo nakaupod man niya sa pagpapasulong sang rebolusyon.

AB





# Pagpasilabot sang US sa Pakistan

**S**adtong Disyembre 27, ginpatay si Benazir Bhutto, anay Prime Minister sang Pakistan. Ginluthang kag ginpalukpan sang mabaskog nga bomba si Bhutto sa syudad sang Rawalpindi samtang nagakampanya sa eleksyon. Si Bhutto ang pinuno sang Pakistan People's Party, isa ka mayor nga partido nga nagadalagan sa eleksyon nga ginpatawg ni Gen. Pervez Musharraf sa sugyot sang imperyalismong US.

Sa sulod kag guwa sang Pakistan, naglanog ang pagpakamalaut sa diktaduryang Musharraf bangud sa ginapatihan sang madamu nga ang diktador ang ara sa likod sang pagpatay kay Bhutto. Sa atubang sang protesta, ginpahigad ni Musharraf ang nakatalana nga eleksyon sining Enero. Ginhingalitan niya ang natuga nga kinagamu agud magdeklarar liwat sang *emergency rule* kag pasingkion ang hayagan nga pasistang diktadurya batuk sa pumuluyo sang Pakistan.

Pakitang-tawo nga nagpahayag sang indi pag-aprubar ang US sa pagpatay kay Bhutto nga kuno "isa ka tikang paatras" sa pagtinguha nga "ibalik ang demokrasya" sa Pakistan. Hungod nga indi likom nga nagapasilabot sa Pakistan. Sa isa ka bahin, toado-todo sini nga ginasuportahan ang pasista nga rehimen ni Musharraf. Sa pihak nga bahin, ginatulod sini ang plano nga himuon nga Prime Minister si Bhutto paagi sa eleksyon, samtang magapabilin nga presidente si Musharraf. Sandig sa plano nga ini,

nag-uli si Bhutto sa Pakistan sadtong Oktubre 2007 halin sa madugay nga pagkadistyero agud makapangampanya sa eleksyon.

Ginduso sang US ang plano nga ini sa tuyo nga hatagan sang sibilyan nga nawong ang pasista nga gubjernong militar ni Musharraf, pakalmahon ang mga kontradiksiyon sa kubay sa n-

gaharing sahi, pakalmahon ang krisis pangpulitika kag sa sini maamligan kag maduso pa ang pangpulitika kag pangmilitar nga interes sang US sa Pakistan kag sa sakup sini nga rehiyon.

## Interes sang US sa Pakistan

Halin sang agawon ni Musharraf ang gahum sa Pakistan paagi sa isa ka kudeta militar sadtong 1999, ginakabig na siya sang US bilang yabi nga alyado sa teroristang gera sini sa ngalan sang "pagbato sa terorismo".

Estratehiko para sa US ang Pakistan bangud ginagamit ini nga lunsaran sang pagpasilabot sini sa mga kaingod sini nga pungsod: Afghanistan, China, India kag Iran. Daku nga paktor man sa importansya sang Pakistan sa pagginahum kag impluwensya sang US sa rehiyon ang pag-angkon sang Pakistan sang armas nukleyar. Bangud sa mga ini, madugay na nga nagserbi ang Pakistan bilang lunsaran sang pagpasilabot militar kag pagpalapad sang gahum sang US. Nagatindog ini bilang "pangrehiyon nga sentrosang gahum militar" sang US sa South Asia tubtub Central Asia.

May malaba nga kasaysayan ang US sang pagsuporta sang magkasunod nga mga pasistang diktadurya sa Pakistan para mas epektibo sini nga magamit ang pungsod sa pagpasilabot sa mga





halambalanon sa rehiyon kag mga kaingod nga pungsod.

Halin pa sadtong 1953, makali-gad nga masipa sa isa ka kudeta nga ginsuportahan sang US ang la-bing una nga sibilyan nga gubyerno sa pungsod kag pag-baylo sini sang diktadu-rya ni Gov. Gen. Ghulam Mohammad, ginpondohan na sang US ang mga rehimen kag militar sa Pakistan. Gilayon nga gintuyo sadto sang US nga gami-ton ang Pakistan nga pangkontra sa soysal imperyalistang Soviet Union kag sa impluwensya sini sa kaingod nga Afghanistan.

Halin sadto, sunud-sunod ang pagtukod sang mga diktadurya mi-litar nga lunsay nagaserbi nga pa-pet sang US. Ginsuportahan sang US ang diktadurya ni Gen. Moham-mad Zia-ul-Haq, nga nagsipa paagi sa kudeta sadtong 1977 kag nagbi-tay makaligad ang duha ka tuig, kay Prime Minister Zulfikar Ali Bhutto, amay ni Benazir Bhutto. Makaligad ini, labi nga ginpadaku sang US ang suporta sa rehimen ni Zia-ul-Haq para magamit ini sa pagpakighimbon sa mga grupo sang Taliban kag al-Qaeda batuk sa direkta nga okupasyon kag pagdag-sa sadto sang mga tropa sang Sovi-et Union sa Afghanistan. Bisan nag-atras na ang Soviet Union sa Afghanistan sadtong 1989, naga-padayon gihapon ang buhos nga suporta pinansyal kag militar sang US sa mga reaksyunaryo kag papet nga rehimen sa Pakistan.

Makaligad mapukan ang Taliban kag makatukod na sang maki-im-peryalista nga papet nga rehimen sa Afghanistan, ginapondohan gi-hapon sang US ang diktadurya ni Musharraf agud suportahan naman ang alyado nila nga rehimen sa Afghanistan batuk sa mga grupong

Taliban kag al-Qaeda. Labi pa nga ginpadaku sang US ang suporta pinansyal kag militar sini sa Afgha-nistan halin sang ginlunsar ni US President Bush sadtong 2001 ang direkta nga agresyon sang US sa nga-lan sang "gera kontra-teroris-mo" sa Afghanistan kag Iraq kag

ang pagpasila-bot sini sa iban pa nga ba-h i n s a n g kalibu-t a n . Halin sa \$9.1 milyon lamang sad-tong 1998-2000, gulpe

nga nagdaku padulong sa \$4.2 bilyon ang ayuda militar sang US sa Pakistan sadtong 2001-2003. Lakip ang mga ayuda pang-ekonomya, nagalab-ot sa \$10 bilyon ang kabi-lugan nga ginahatag sang US sa Pakistan sa sulod sang mga tuig nga ini. Bangud sini, nagapangatlo na ang Pakistan, kasunod sa Egypt kag Israel, sa mga pungsod nga na-gabaton sang pinakadaku nga ayu-da halin sa US.

Bilang kabaylo, ginpahanugu-tan ni Musharraf nga matukod kag magamit sang US ang mga base mi-litar sini sa Pakistan agud salaka-yon ang mga komunidad kag pung-sod nga ginabansagan sang US nga "terorista". Nakighimbon ang dik-taduryang Musharraf sa mga ahen-sya paniktik sang US agud tumuron kag iligal nga iditeni, ipaidalum kag patyon ang mga ginasuspetsa-han nga makatalagam nga mga ka-away sang US.

Bilang serbisyo sa gerang agre-syon sang US, ginaabangan sini ang dulunan sang Pakistan kag Afghanistan agud wala sang atras-an ang mga elemento sang Taliban

nga sadto "nagatindog nga naga-gahum nga guban anti-US sa Afghanistan kag subong nagaribok batuk sa maki-US nga papet nga rehimen sa Afghanistan. Amo man, bisan nga sa kadam-an ginasunod niya ang gusto sang imperyalis-mong US, likom nga ginatugutan ni Musharraf ang pagsulod-guwa sang mga Taliban sa dulunan sang Pakis-tan kag Afghanistan. Ginakasang-kapan niya ini agud magdaku pa ang kinahanglanon kag pagpanuhol sa iya sang US.

### Pasismo kag pagbato sang pumuluyo

Halin sang pwersahan nga aga-won ni Musharraf ang estado poder sadtong 1999, naglapnag ang pagpamatay kag pagkuot sang mga pwersa militar sa mga kaaway niya sa pulitika, mga tawong midya kag madamu pa nga iban nga nagapa-matuk sa iya paghari. Naglunsar si-ya sang mga kampanya militar ba-tuk sa mga pundamentalistang gru-po nga Islamiko kag iban pa nga organisado nga grupo nga nagapa-matuk sa iya pagginahum. Nagabu-hi siya sang mga *death squad* agud maghimo sang mga pagpamatay kag masaker. Nagtukod siya sang mga sikreto nga presohan agud idi-teni kag ipaidalum sa tortyur ang iya mga kaaway.

Wala hawid niya nga ginbuhian niya ang anuman nga pagpakuno-kuno nga nagasunod sa layi. Sad-tong Marso 2007, wala panabi-tabi nga ginkuha sa pwesto si Iftikhar Muhammad Chaudhry, hepe sang Korte Suprema, bangud sa nagdesi-syon ini nga pamatian ang madamu nga kaso sang pagkuot kag pagpa-tay sang mga pwersa militar kag m ga kaso nga nagakwestyon sa liga-lidad sang pagginahum ni Mushar-raf. Napilitan lamang si Musharraf nga ibalik sa pwesto ang nasambit



nga mahistrado bangud sa nanindugan ang bilog nga Korte Suprema batuk sa ginhimong ni Musharraf kag bangud sa malaparan nga pagpamatuk sang pumuluyo.

Sadtong Nobyembre 2007, gindeklarar ni Musharraf ang *emergency rule*. Gintapalan niya ang presensya sang mga pwersang Taliban sa naaminhan-nakatundan sang Pakistan nga kaingod sang Afghanistan. Pero sa kamatuoran, indi batuk sa Taliban, kundi batuk sa mga kritiko sang rehimen niya ginatumod ang pasismo. Sinuspending ni Musharraf ang konstitusyon, ginaresto ang mga lider oposisyon, ginsalakay ang Korte Suprema kag liwat ginpahalin si Chaudhry bangud sa pagbalibad niya nga suportahan ang *emergency rule*. Gin-atras lamang ni Musharraf ang deklarasyon makaligad maghangdo ang Korte Suprema sa iya kandidatura sa eleksyon.

Nagahapaon ang pangkabilugan nga kahimtangan sang lokal nga ekonomya kag pangabuhian sang pumuluyo. Ang makaluluoy nga ka-

himtangan sang mayorya nga pumuluyo kag ang lapnagon nga pagpamigos sa ila mga kinamatarung ang nagaduso sa ila nga magbato kag sikwayon ang diktadurya.

Nakapabilin lamang sa pwesto si Musharraf bangud sa suporta sang US, hugot nga kontrol sa bukrasya militar kag masingki nga pagpangtapna sa pumuluyo nga Pakistani. Pero madugay na nga ginabatuan sang pumuluyong Pakistani ang pasista nga paghinari ni Musharraf. Ang pagbato sa diktaduryang Musharraf ang isa sa mga halambalanon nga naghugpong sa malapad nga alyansa kontra-diktadurya nga ginabug-usan sang mga rebolusyonaryong pwersa, nagkalain-lain nga sektor sang pumuluyo kag amo man sang mga repormistang burgis kag grupong Islamiko.

#### Kasugtanan US-Bhutto-Musharraf

Bangud sa labi nga nabuyagyag sa likod sang mga pagpakuno-kuno ang matuod kag indi mabalibaran nga interes sang US sa pungsod kag sa rehiyon. Pangunahon nga

papet gihapon sang US sa pungsod si Musharraf kag sa pihak sang mga nagakatabo wala ini sang interes nga buhian ang diktador.

Sa amo man, bisan sa idalum sang pagkatuta sa imperyalismong US may relatibo nga nagakaugalingon nga mga maniobra si Musharraf para mapalig-on ang pusisyon kag masiguro ang iya awtokratiko nga gahum kag interes batuk sa iya mga karibal.

Ginhingalitan ni Musharraf ang ipit nga kahimtangan sang US sa rehiyon kag ang desperado nga pagsandig sang US sa isa ka brutal nga papet nga tulad niya, agud manipulahon ang sitwasyon sa kaugalingon nga bentahe, samtang lubos pa gihapon nga ginaserbisuhan ang imperyalismong US.

Subong pa lamang ginatinguha na sang US nga iabswelto ang berdugo nga papet sini sa pagpalutaw sang isa ka report paniktik kuno sang Central Intelligence Agency nga mga "militanteng Pakistani" ang nagpatay kay Bhutto. AB

### Peke nga bombahan sa Glorietta, pinal na

PAREHO sang ginalauman, ginsara na sang rehimen sadtong Enero 10 ang kaso sang pagpamomba sini sa Glorietta 2 sa Makati City sadtong Oktubre sa pagdeklarar nga isa ka aksidente ang natabo nga paglupok. Para lubos nga mahugasan ang duguan nga kamot sini sa makangilidlis nga krimen nga ginkamatay sang 11 kag ginkapilas sang sobra 100 iban pa. Kinse ka empleyado kag mga bumbero naman ang ginpasakaan sang kaso nga kapabayaang kaangot sa pagpamomba.

Wala sang kaibahan ang pinal nga report sang PNP sa daan na sini nga report sa mga kemikal nga *methane* kag *diesel* ang naglupok

sa pihak sang nakit-an nga mga RDX sang mismo mga eksperto sa bomba sang Philippine Army (PA). Ang RDX ang sangkap sang bomba nga c4.

Pilit nga ginpahipos si Maj. Allan Sollano, hepe sang Explosives and Ordnance Battalion sang PA, matapos niya ireport nga nakadiskubre sila sang mga bahin sang RDX sa isa ka supot nga plastic nga nakuha sa nasambit nga aksidente.

Mas malala pa, wala sang gin-sambit sa pinal nga report ang mga pulis nahanungod sa tim nanday Major Sollano kag sa report sini bisan isa sila sa mga pinakauna nga nagrespunder matapos ang

paglupok. Ginbawalan man sang militar nga interbyuhon sang midya si Major Sollano matapos ang insidente.

Wala man sini ginkunsiderang ang resulta sang independyenteng imbestigasyon nga ginhiwat sang Ayala Lands Inc. (ALI), tag-iyang sang Glorietta 2. Suno sa mga eksperto nga kabulig sang ALI sa pagimbestiga, bomba ang kabangdanan sang paglupok. Kabaylo sang mga ini, ginpaandaman pa ang ALI nga pasakaan ini sang kaso bangud ginpasulod sini ang tim sang mga dumuluong sa erya sang ginlukpan nga wala sang pahanugot sang PNP. AB

## EDSA 2, gindumdum

NAGHIWAT sang programa sadtong hapon sang Enero 18 sa La Salle Greenhills, San Juan City ang mga grupo sang lain-lain nga sektor para dumdumon ang ika-pito nga tuig sang EDSA 2. Ang tema sang programa amo ang "Seven Years Is Enough". Buot hambalon, sobra na ang pito ka tuig nga pagginahum ni Gloria Arroyo nga siya ang nakapadipulos sa pag-alsa sang pumuluho sa korapsyon kag pagpangawat sang rehimen Estrada. Pagkatapos sini nagmartsa ang 800 sa mga nagtambong pakadto sa EDSA Shrine pero ginbalabagan sila sang mga pulis.

Nagtambong sa aktibidad sanday anay Vice President Teofisto Guingona, Bayan Muna Rep. Satur Ocampo kag Gabriela Women's Party Rep. Liza Masa, mga katapu sang Bagong Alyansang Makabayan, Black ang White Movement, White Ribbon kag Union of the Masses for Democracy and Justice.

## Pagbuhin sang Taripa sang langis, kinundena

GINKUNDENAR sang Kilusang Mayo Uno (KMU) ang tikang sang Malacañang sadtong Enero 8 nga buhinan sang P0.50 asta P1.00 ang buwis sang gina-import nga langis. Indi ang pumuluyo ang lubos nga makapulos diri kundi ang mga dumuluho nga kumpanya sang langis pareho sang Shell, Chevron kag Petron, siling sang KMU.

Suno sa KMU, ang dapat himuon sang rehimen kuhaon ang 12% nga Expanded Value-Added Tax (EVAT) sa mga produkto nga petrolyo. Ang P3.00 nga EVAT nga gina-kuha sang gubyrno sa kada litro sang *diesel* nga ginakonsumo sang mga drayber kag pumuluyo.

## Pagpang-ipit sa mga kinamatarung sang midya, ginpamatukan

GINKUNDENAR sang lain-lain nga grupo kag indibidwal ang memorandum nga ginpaguwa sang Department of Justice (DOJ) paagi kay Sec. Raul Gonzales sining Enero 11 batuk sa midya. Nakasulat sa memorandum ang pagkontrol sang mga pulis kag militar sa pagreport sa mga mamahayag sa ginasiling nga mga sitwasyon nga pang-emergency.

Suno sa memorandum, pwede nga pasakaan sang kasong kriminal ang sin-o man nga myembro sang midya nga magbale-wala sa mandu sang awtoridad sa mga sitwasyon nga pang-emerhensya. Pasakaan sang kaso nga *obstruction of justice* ang sin-o man nga mamahayag nga indi maghalin sa lugar nga ginapabakante sang mga militar kag pulis. Ginpaguwa ang memorandum nga ini sobra isa ka bulan matapos ang protesta sang mga suldado sa Peninsula Manila Hotel sa Makati City. Ginaresto kag ginditiner sang PNP ang mga myembro sang midya nga sadto ara sa lugar bangud sa pagpahilabot kuno sang mga ini sa operasyon sang mga pulis.

Para tagaan sang rason ang pagpang-ipit sa midya, ginarason sang kampo ni Arroyo nga himuon nga "*human shield*" ang midya sa mga planong destabilisasyon batuk sa gubyrong Arroyo. Suno kay Gonzales, nakakalap kuno sila sang report paniktik nga may nabug-os na naman nga plano sang pagpapatalsik kay Arroyo sa Enero 22.

## Dumuluho nga minahan, ginpalayas sang mga mangunguma sa Nueva Vizcaya

GINPALAYAS sadtong Enero 16 sang akig katama nga mga pumuluyo ang mga tinawo sang dumuluho nga minahan nga OceanGold Philippines Inc. upod ang ila mga kagamitan sa pagmimina. Gindul-ong sila sang mga residente asta makaguwa sa dulunan sang mabukid nga baryo sang Papaya, Kasibu, Nueva Vizcaya.



Plano sang dumuluho nga kumpanya sang mina nga mag-umpisa sang ila eksplorasyon sa barangay pero nanindugan ang mga lider sang mga tribo nga ginapasakupan sang Ifugao, Ibaloi, Bugkalot, Kankanay kag Kalanguya nga ang *permit* nga ginauyatan sang OceanaGold Philippines Inc. wala sang pahanugot halin sa ila. Ginlapas kuno sang kumpanya sang mina ang lokal nga ordinansa sang Barangay Papaya nga nagdeklara nga isa ini ka *watershed area* sang mga plantasyon sang *citrus* kag kaingod nga mga baryo. Diri nagahalin ang tubig para sa mga suba sang Alimudin, Malong kag Padhuan.

Ang OceanaGold, isa ka Australian nga kumpanya sang mina, nga may operasyon sa 21,465 ekataryas nga kadutaan sang Kasibu, upod ang baryo sang Dipidio kon diin nagamina sang bulawan kag saway. Sadtong nagligad nga tuig, sa epekto sang *temporary restraining order* (TRO) napilitan nga mag-untat ang operasyon sang kumpanya sa Dipidio. Sa pagpapahalin sa mga empleyado nauntat ang pinakaulihi nga pagtinguha sang OceanaGold nga liwat nga makapapadayon sang operasyon sini.

**ANG****Bayan**

Pahayagan ng Partido Komunista ng Pilipinas  
Pinapatnubayan ng Marxismo-Leninismo-Maoismo

Edisyong Hiligaynon  
Tuig XXXIX Blg. 2  
Enero 21, 2008

[www.philippinerevolution.net](http://www.philippinerevolution.net)

*Editorial*

# Palapnagon ang maayong balita sang armadong paghimakas

**I**ndi mahikayan ang inspirasyon kag kasadya nga dala sang madinalag-on nga taktikal nga opensiba kag iban pa nga rebolusyonaryong kadalgan sa pumuluyong Pilipino kag pumuluyo sang bug-os nga kalibutan.

Ang kada kadalagan sa patag sang armadong paghimakas nagapalig-on sa ila determinasyon nga isulong ang rebolusyon.

Kadungan sini, ang kada madinalag-on nga taktikal nga opensiba nagapakita indi lamang sang pag-sulong sa patag sang armadong paghimakas. Pama-tuod man ini sang maayo nga pagpamuno sang Partido, hugot kag mapagsik nga pagpatuman sang BHB sa mga pangpulitika nga hi-likuton kag sang kalapad kag kadalum sang sup-orta sang pumuluyo. Ginabuyag-yag sini ang kabutigan nga ginapabugal sang Armed Forces of the Philippines (AFP) nga

silang nagamadinalag-on sa desperadong padihut nga dugmukon ang rebolusyonaryong pagbato sang pumuluyo.

Ang kada inaway sa armadong patag may katuwang nga inaway sa pangpulitika nga patag. Ara sa likod sang rebolusyonaryo nga armadong paghimakas ang nanuhay-tu-



**Mga tampok sa isyu nga ini...**

Mapaslwan ang mga plano sg rehimeng US-Arroyo PAHINA 3

Ka Gino: Isganan kag beteranong hangaway PAHINA 6

Pagpasilabot sg US sa Pakistan PAHINA 9

## Mga instruksyon sa paglilimbag

**1.** Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

**2.** Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

**3.** Hinihikayat ang mga kasama na ipaabot sa patnugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa *angba-yan@yahoo.com*